

# PENTANDRIA.

## MONOGYNIA.

### 58. RHAMNUS cumanensis.

*Arbor* mediocris, sursum ramosa; ramis sparsis; cortice nigro-cinerascente.

*Folia* alterna, in ramulis tantum novellis, oblonga, sursum latiora, inferius attenuata, venosa, integerrima, margine reflexa.

*Flores* in Racemis ramosis, terminalibus, fastigiatis, 10-13. ramulis alternis, pedunculis congestioribus.

*Bractea* nulla.

*Corolla* alba, magna.

*Cal.* *Perianthium* monophyllum, tubulatum, semibifidum: *laciniis* ovato-acuminatis; persistentibus.

*Cor.* hypocrateriformis. *Tubus* cylindraceus, sursum leviter amplius, calyce longior. *Limbus* planus, quinquepartitus: *laciniis* ovato-subrotundis; obtusis.

*Stam.* *Filamenta* quinque, subulata, tubo corollæ versus basin adnata, basi pubescente, longitudine tubi. *Antheræ* lineares, acutæ, versatiles.

*Pist.* *Germen* ovatum. *Stylus* filiformis, superne bifidus; laciniis erectis, longitudine staminum. *Stigma* obtusum, crassiusculum; emarginatum.

*Per.* Fructus nudus, quadrangularis, paulo depressus, rostro longiusculo, obtuso; angulis compressis; quadripartibilis, quadrifariam dehiscens ad angulos.

*Sem.* quatuor, quartam partem fructus constituunt, ceterum spongiosa, nucleo vero oblongo, lignoso prædita.

*Cumanensibus* Guatacare.

*Habitat* in CUMANA & versus missiones Franciscanorum in Piritu ad montem Unare.

Fructus non demittit semina nuda, nec mollis est.

Calyx uti bifariam ruptus naturalis est, ita interdum trifariam rumpitur.